

# CUSSEGL GROND

Sessiun da favrer 2024

## Proposta da prender in conclus direct concernent il dar cumià a deputadas e deputads

La cultura politica en il Cussegl grond è caracterisada d'ina concorrenza d'arguments che sa referescha a la chaussa ed è a medem temp d'in respect sur las partidas or. En l'interess da noss chantun multifar duai questa cultura vegnir tgirada ed approfondada.

Sco president dal Cussegl naziunal da l'onn 2023 ha Martin Candinas mess blers accents en il parlament federal. Tranter auter ha el mess paisa sin in cumià degn da las commembras ed dals commembers partents dal Cussegl naziunal. Cuntrari a ses antecessurs e sias antecessuras n'ha el fatg acts da cumià en il plenum betg mo durant l'onn, mabain er a la fin da la legislatura.

Er auters parlaments enconuschan talas tradiziuns. Els stiman l'engaschament da las commembras e dals commembers dal parlament, promovon il respect sur las partidas or sco er la chapientscha per differentas derivanzas e per la diversidad represchentada en il parlament. Particularmain per il Cussegl grond fissi in enritgiment da constituir ina tala tradiziun.

Sa basond sin l'art. 50 da la Lescha davart il Cussegl grond po il Cussegl grond prender in conclus direct en il sector da sias atgnas competenzas. Las sutsegnadras ed ils sutsegnaders proponan d'introducir e da confermar en scrit ina procedura adattada per dar cumià a las commembras ed als commembers partents dal Cussegl grond.

Cuira, ils 14 da favrer 2024

**Degiacomi**, Danuser (Cuira), Kocher, Atanes, Bachmann, Bardill, Baselgia, Berther, Bettinaglio, Biert, Binkert, Bischof, Bisculm Jörg, Bundi (Castrisch), Bundi (Trin Mulin), Cahenzli-Philipp, Censi, Cortesi, Cramerì, Danuser (Cazas), Dietrich, Furger, Gansner, Gartmann-Albin, Hoch, Kaiser, Kohler, Lehner, Loepfe, Mani, Mazzetta, Müller, Nicolay, Preisig, Rageth, Rettich, Righetti, Roffler, Rusch Nigg, Rutishauser, Said Bucher, Saratz Cazin, Schläpfer, von Ballmoos, Walser, Wilhelm, Zanetti (Sent)